



REPUBLIKA E KOSOVËS/REPUBLIKA KOSOVA

GJYKATA THEMELORE PEJË - DEGA E GJYKATËS DEÇAN

Numri i lëndës: 2022:277383
Datë: 22.12.2023
Numri i dokumentit: 05116751

C.nr.1209/2022

GJYKATA THEMELORE NË PEJË, Dega në Deçan, Departamenti i Përgjithshëm, gjyqtari Bajram Cacaj, duke vendosur në çështjen juridike kontestimore të paditësit F.P, nga Komuna e Deçanit, të cilin sipas autorizimit e përfaqëson Avokatura “Krasniqi & Partners” Sh.P.K., me avokatët Xh.K, I.N dhe E.B – Bashkëpunëtore, me seli në Prishtinë, kundër të paditurës Komuna e Deçanit, Drejtoria e Arsimit, me seli në Deçan, lidhur me çështjen juridike kompensim i të ardhurave personale - shujtave, me vlerë të kontestit prej 534,00 €, jashtë seancës, me datë 22.12.2023, mori këtë:

A K T G J Y K I M
- Për shkak të padëgjueshmërisë/mosbindjes –

APROVOHET në tërsi kërkesëpadia e paditësit F.P, ashtu që DETYROHET e paditura Komuna e Deçanit, Drejtoria e Arsimit, që në emër të kompensimit të shpenzimeve për shujta/ushqim gjatë punës, për 267 ditë punë, prej datës 01.05.2021 e deri me datën 21.11.2022, paditësit t'ia paguajë shumën në lartësi prej 534,00 €, me kamatë ligjore prej 8 %, e cila do të llogaritet nga data 23.12.2022 (data e paraqitjes së padisë), e deri në ditën e pagesës definitive, si dhe shpenzimet e procedurës në shumë prej 228,00 €, të gjitha këto në afat prej 7 ditësh, nga dita e marrjes së këtij aktgjykimi, e nën kërcënim të përmbarimit ligjor.

A r s y e t i m

Paditësi në këtë gjykatë përmes të autorizuarve të tij, me padinë e datës 23.12.2022 dhe parashtresën për precizimin e padisë të datës 02.11.2023, ndër të tjera ka theksuar se paditësi është në marrëdhënie pune në Sh.F.M.U. “Bajram Curri” në fshatin Strellc i Epërm, Komuna e Deçanit, në cilësinë e punëtorit teknik, me kontratë pune në kohë të pacaktuar dhe bazuar në të drejtën e njohur legjitime paditësit i takon shpërbllimi lidhur me shujtat ditore, sipas Kontratës Kolektive të Arsimit në Kosovë dhe meqë e paditura nuk ka vepruar sipas kësaj kontrate në atë mënyrë që paditësit t'i paguhet shujta e paraparë me kontratë, ka kërkuar që e paditura të detyrohet, që paditësit në emër të shujtave/ushqimit nga data 01.05.2021 e deri më 21.11.2022,

për 340 ditë punë, nga 2 euro, t'ia paguaj shumën prej 680 euro, me kamatë ligjore prej 8 %, e cila do të llogaritet nga dita e paraqitjes së padisë, e deri në ditën e pagesës definitive, si dhe shpenzimet procedurale, të gjitha këto në afat prej 7 ditësh, nga dita e marrjes aktgjykimit, e nën kërcënim të përmbarimit ligjor.

Gjykata në këtë çështje juridike kontestimore, pas shqyrtimit paraprak të padisë, ka nxjerrë aktvendimin për përgjigje në padi, C.nr.1209/22 të datës 13.10.2023, me të cilin e ka detyruar të paditurën, që të përgjigjet në padi, të cilin e paditura e ka pranuar me datë 06.11.2023, duke e njofuar të paditurën për detyrimin ligjor për dhënien e përgjigjes në padi dhe për pasojet ligjore që do të i ketë nëse nuk paraqet përgjigje në padi, përkatesisht për mundësinë që gjykata të marrë aktgjykim për shkak të mosbindjes.

E paditura pavarësisht se e ka pranuar aktvendimin për përgjigje në padi, së bashku me padinë, provat materiale dhe parashtresën për precizimin e padisë, në këtë çështje juridike kontestuese, nuk ka paraqitur përgjigje në padi brenda afatit ligjor.

Gjykata pasi i ka vlerësuar kushtet ligjore për nxjerrjen e aktgjykimit për shkak të mos bindjes, ka gjetur se në rastin konkret, plotësohen të gjitha kushtet ligjore, për nxjerrjen e aktgjykimit në fjalë, nga neni 150 par. 1, pikat a), b) dhe c) të LPK, e cila dispozitë në mënyrë shprehimore parasheh se: “*Nëse të paditurit i është dorëzuar padia dhe thirrja për përgjigje në padi, se themelësia e kërkesëpadisë del nga faktet treguara në padi dhe se faktet në të cilat mbështet kërkesëpadia, nuk janë në kundërshtim me provat të cilat i ka propozuar vet paditësi, apo me faktet e ditura botërisht*”.

Gjykata nga provat të cilat i janë bashkëngjitur padisë dhe atë: kontrata e punës e lidhur në mes paditësit dhe të paditurës me datë 07.09.2021 dhe vërtetimi i datës 18.10.2023 për ditët e prezencës në punë për periudhën nga data 01.05.2021 e deri më datë 21.11.2022, gjykata ka vërtetuar faktin se paditësi ka punuar si punëtor teknik i Sh.F.M.U. “Bajram Curri”, në fshatin Strellc i Epërm dhe se i njëjti për këtë periudhë ka qenë i punësuar tek e paditura, po ashtu ka vërtetuar saktë numrin e ditëve të prezencës në punë.

Andaj, gjykata vlerëson se nga provat e lartcekura del baza dhe lartësia e kërkesëpadisë, ngase sipas nenit 35 paragrafi 7 të Kontratës Kolektive të Arsimit në Kosovës të datës 22.01.2021, e aplikueshme deri më datën 22.11.2022, përcaktohet se të punësuarve u sigurohet kompensim në ushqim gjatë punës, për ditët e pranisë në punë dhe vlera e kompensimit të ushqimit në punë për një ditë punë është dy euro, andaj në kuptim të nenit 150 i LPK-së, e në lidhje me dispozitat nga neni 245 paragrafi 1 i Ligjit për Marrëdhëniet e Detyrimeve (LMD), ku përcaktohet se: “*Kreditori në marrëdhënien e detyrimit ka të drejtë që prej debtorit të kërkojë përbushjen e detyrimit, ndërsa debitori ka për detyrë ta përbushë atë me ndërgjegje dhe në tërësi, në përputhje me përbajtjen e tij*”, erdhi në përfundim se kërkesëpadia e paraqitur nga ana e paditësit është e bazuar dhe në këtë rast e njëjta u aprovua në tërësi si e themeltë, duke obliguar të paditurën në pagimin e detyrimit sikurse në dispozitiv të këtij aktgjykimi.

Lidhur me lartësinë e kamatës së llogaritur prej 8 %, gjykata vendosi në kuptim të nenit 382 të LMD-së, sipas të cilit “*Debitori që vonon në përbushjen e detyrimit në të holla debiton, përpos borxhit kryesor, edhe kamaten. Lartësia e kamatëvonesës është tetë përqind (8%) në vit, përvetës nëse parashihet ndryshe me ligj të veçantë*”, e llogaritur nga dita e parashtrimit të padisë.

Vendimi mbi shpenzimet procedurale u mor sipas nenit 449 dhe 452 par. 1 të LPK, me ç‘rast paditësit iu pranua shuma e shpenzimeve në vlerë prej 228,00 €. Lartësia e shpenzimeve të aprovuara i referohet shpenzimeve për pagesën e taksës gjyqësore në vlerë prej 20,00 €, për përpilimin e padisë shuma prej 104,00 €, si dhe për përpilimin e precizimit të padisë shuma prej 104,00 €.

Prandaj, gjykata bazuar në arsyet e cekura më lartë, bazuar në nenin 143 lidhur me nenin 150 par.1 të LPK, vendosi si në dispozitiv të këtij aktgjykimi.

GJYKATA THEMELORE NË PEJË

Dega në Deçan
Departamenti i Përgjithshëm
C.nr.1209/22, me datë 22.12.2023

Gjyqtari

Bajram Cacaj

UDHËZIM JURIDIK:

Kundër këtij Aktgjykimi është e lejuar Ankesa në afatin prej 7 ditëve, nga dita e marrjes së tij, Gjykatës së Apelit të Kosovës, e nëpërmjet të kësaj Gjykate. Ankesa duhet të paraqitet në kopje të mjaftueshme për palët dhe gjykatën.